

enuoier à V. R. la Relation entiere de ce qui s'est passé depuis un an dans nos Missions, dont il m'a adressé, par auance quelques cahiers. Or le Nauire auquel on l'auoit confiée, ayant esté pris par les Espagnols, & toutes les Lettres qui s'y sont trouuées ayant esté iettées dans la Mer, j'ay esté obligé de ramasser dans le Liures que ie presente à V. R. ce qu'on a pû recouurer de ces Lettres, & de quelques autres Memoires qui nous furent rendus trop tard l'année precedente. Ceux qui s'interessent pour la gloire de nostre Seigneur en la conuersion des Infidelles, seront bien aises de voir comme nos Peres marchant sur les pas de ceux de nostre Compagnie, qui ont esté grillés, rostis, & mangés depuis quelques années par les Iroquois, sont entrés dans le pais de ces Anthropophages, avec moins de peur de leurs trahisons, & de leurs cruautés, que d'amour & de zele pour les gagner à